



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ars Bonæ Mortis. Sive: Quotidiana Erga Sanctissimam Dei Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, [ca. 1708]**

I. Martii.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)



**S** Svvitbertus è Comitibus Gallix oriundus  
 natalis sui prænunciam stellam habuit  
 Matri visam ; in lucem editus toto affectu  
 in naufragi maris stellam Mariam ferebatur.  
 Hujus honori Basilicam Werdunensem pri-  
 mus ejusdem Pontifex consecrat , in qua Ju-  
 venem aquis præfocatum in vitam revocavit.  
*Surius.* Hoc Matris viventium in mortem do-  
 minium est.

S. Svvitberte, me agonizantium & viven-  
 tium Matri commenda , sub ejus præsidium,  
 ac defensionis clypeum confugio, sub tegmine  
 alarum ejus Maternæ protectionis me abscon-  
 do , ac pientissimâ ejus providentiâ contra  
 mortem animæ præmunitus vivere & mori  
 volo. O Sanctissima Dei, & mea, Mater pre-  
 tiosissima ! ego N. indignissimus filius tuus ex  
 toto corde, omnibusque tam corporis, &c. f. 2.

Ad quod impetrandum : vel sanguine me  
 defensurum hodie promittam, Deiparam ante  
 partum, in partu, & post partum , semper  
 Virginem extitisse.

Abyssus est Maria in bonitate & misericor-  
 dia profundissima ; unde etiam profundissi-  
 mam misericordiam Filii sui pro nobis inter-  
 pellans quasi abyssus abyssum invocat. S. Be-  
 navent. in Apoc. c. 5.

Quæstio: Cur in Mariæ nomine Poëtæ me-  
 diam syllabam producant ? v. Barr. An. mar.  
 p. 2. c. 37.